

Ilmiy va ilmiy-pedagogik kadrlar tayyorlash bu oliy ta'limning keyingi ta'lim bosqichi hisoblanib O'zbekiston Respublikasi Prezidentining 2012 yil 24 iyuldagi "Oliy malakali ilmiy va ilmiy-pedagog kadrlar tayyorlash va attestatsiyadan o'tkazish tizimini yanada takomillashtirish to'g'risida"gi PF-4456-sonli Farmoni va O'zbekiston Respublikasi Vazirlar Mahkamasining "Oliy o'quv yurtidan keyingi ta'lim hamda oliy malakali ilmiy va ilmiy-pedagog kadrlarni attestatsiyadan o'tkazish tizimini yanada takomillashtirish chora-tadbirlari to'g'risida" 2012 yil 28 dekabrda 365-sonli Qaroriga muvofiq amalga oshiriladi.

Ilmiy darajaga talabgorlar katta ilmiy xodimlar-izlanuvchilar instituti orqali tayyorlanadi.

Har yili 1 maygacha olimlar - faol ilmiy va ilmiy-pedagogik faoliyat olib borayotgan fan doktorlari tomonidan doktorlik dissertatsiyalariining tavsiya etiladigan mavzulari oliy ta'lim muassasasi ilmiy kengashida ularning fan va texnologiyalarni rivojlantirishning ustuvor vazifalariqa muvofiqligi yuzasidan ekspertizadan o'tkaziladi.

Fan va texnologiyalarni rivojlantirishni muvofiqlashtirish qumitasi 1 iyungacha bo'lgan muddatda tagdim etilgan mavzularni ularning davlat ilmiy-texnik dasturlariga muvofiqligi yuzasidan korib chigib ularni doktorlik dissertatsiyalari mavzularini tavsiya etilayotgan ma'lumotlar bazasiga kiritadi.

Katta ilmiy xodim-izlanuvchilar instituti shaklidaoliy o'quv yurtidan keyingi ta'lim olish uchun talabgorlar ma'lumotlar bazasidan doktorlik dissertatsiyalariining mavzularini tanlashlari, tadqiqot mavzusi bo'yicha ilmiy ma'ruzani tayyorlashlari va doktorlik dissertatsiyasi rejasining mufassal loyihasini tayyorlashlari zarur.

Oliy o'quv yurtidan keyingi ta'lim olish institutigakatta ilmiy xodim-izlanuvchilar sifatida kiruvchi shahslar oliy ta'lim muassasi magistraturasi diplomiga yoki unga tengbo'lgan Uzbekiston Respublikasi Qurolli Kuchlar akademiyasi, Ichki ishlar akademiyasi va Uzbekiston Respublikasi Milliy xavfsizligi xizmati oliy ta'lim muassasalari diplomiga yohud fan nomzodi diplomi yoki magistr darajasi joriy etilgunga qadar olingan oliy ma'lumot to'g'risidagi diplomga ega bo'lish, kamida ikki yillik ilmiy yoki ilmiy-pedagogik ish stajiga ega bo'lishi kerak.

Katta ilmiy xodim-izlanuvchilar sifatida o'qishga kiruvchi talabgorlar quyidagi xujjatlarni tagdim etadilar:

- Ariza;
- Ma'lumotnoma (ob'ektivka);
- Mehnat daftarchasining belgilangan tartibda tasdiqlangan nushasi;
- Oliy ta'lim muassasasi diplomi yoki fan nomzodi diplomi;
- Tadqiqot mavzusi bo'yicha e'lon qilingan ilmiy ma'ruza va doktorlik dissertatsiyasi rejasining mufassal loyihasi;
- Ilmiy jurnallarda va nashrlarda e'lon qilingan ilmiy maqolalar (kamida uchta), ilmiy va ilmiy-amaliy konferensiyalar, seminarlar va davra suhbatlari va boshqa ilmiy ishlar to'plamlariga kiritilgan tezislar (kamida ikkita) ro'yxati, shuningdek ularning nusxalari;
- Talabgorning ilmiy va ilmiy-pedagogik faoliyatiga layoqatini aniqlash yuzasidan o'tkazilgan test sinovidan o'tkanliini tasdiglovchi OAK xujjatining nusxasi;
- Etakchi olimlardan birining uni ilmiy consultant sifatida belgilash yuzasidan yozma roziligi. Bunda tavsiya etilgan mavzular bazasidan tanlab olgan mavzu bo'yicha, qoidaga ko'ra, mavzuni taklif etkan etakchi olim ilmiy konsultant bo'lishi mumkin.

Katta ilmiy xodim-izlanuvchilar sifatida o'qishga kiruvchi talabgorlar mutahassislik, O'zbekiston tarixi, fanning bilish nazariyasi va metodologiyasi hamda falsafa, fan metodologiyasi, chet tili (t'alinning oldingi darajalarida o'rganilgan xorijiy til bo'yicha) va mutaxassislik bo'yicha kirish imtihonlari topshiriladi. Fanning tegishli yo'nalishi bo'yicha fan nomzodi ilmiy darajasiga ega bo'lgan talabgorlar kirish imtihonlarini topshirishdan ozod qilindilar.

Kirish imtihonlari 1-20 dekabr dekabrida bo'lib o'tadi. Katta ilmiy xodim-izlanuvchilarni qabul qilish oliy ta'lim muassasi raxbarining tegishli kengashlarining tanlash natijalarini, ajratilgan qabul kvotasidan kelib

chiqib va doktorlik dissertatsiyalari mavzularini tasdiqlash to'grisidagi qarori asosida 25 dekabrgacha chiqariladigan buyrugi bilan amalga oshiriladi.

Ilmiy konsultant bir vaqtning o'zida 3 nafardan ko'p bo'lgan katta ilmiy xodimlar-izlanuvchilarga va mustaqil izlanuvchilarga ilmiy rahbarlik qilishi mumkin emas.